


# *Kubo kaj Argentino okazigis rondon de migraj intertraktadoj*

---



Havano, nov 1 (RHK) La Unua Rondo de Migraj Interparoloj inter Kubo kaj Argentino okazis ĉi-lunde en Bonaero, en afabla kaj kunlabora etoso.

La Havana Ministerio pri Eksteraj Aferoj raportis en sia retejo (CubaMinrex), ke dum la interparolo ambaŭ partneroj emfazis la gravecon garantii regulan, ordon kaj sekuran fluon de vojaferantoj.

Alia el la temoj, kiuj okupis la tagordon de la renkontiĝo, estis la efektivigo de funkciaj kaj ampleksaj duflankaj kunlaboraj mekanismoj koncentritaj al la migranta kaj konsula sfero, kiuj ebligas efike alfronti fenomenojn kiel homan trafikon kaj kontraŭleĝan migran kontrabandon.

Per Tvitero, la reprezentanto de la kuba flanko Ernesto Soberón, ĝenerala direktoro de Konsulaj Aferoj kaj Kubaj Loĝantoj Eksterlande, de la Minrex, klarigis, ke en la kunveno oni analizis la realigon de komunaj taskoj por malinstigi kontraŭleĝajn agojn asociitajn kun neregula migrado.

En la sama socia reto, la kuba ambasadoro en Argentino, Pedro Prada, indikis, ke la renkontiĝo starigos mekanismon de reciproka konfido por certigi la rajtojn de la migrantoj kaj plifortigi la ligojn inter la du landoj.

Fonto: ACN



**Radio Habana Cuba**